

Н ү ү р л г ч ф е р м

Яшкульск района «Лиманный» совхозин 2-ч номертә фермин коллектив КПСС-н ЦК-н декабрь сард болх Пленумиг шин диилврәр тосхар шундж йовна.

Одгә цагт эн фермд торгын нооста 9 отар хөн болн бод малин 3 гурт мал гару уга өсдж йовна. Фермин коллектив (залгчнь үр Егоров) малас авдг шим-шүүс гаргылгынг боли малин тоогъан икдүлхин төлә цуцрлт угагъар ноолдджана.

Эн джил фермин хөөчнр государствд ноос орулдж өгилгнә зурагъан 111,3 процент күцәгъад, джилә зурагъаси үлү 63 центнер ноос государствд орулдж өгв. Фермин ах хөөчнр үр Насунов Евгир хөөдәсн ноос киргъдж авлгъна зурагъан 129 процент, Лиджиев Сага — 129,1 процент, Церенов Халга — 117,8 процент, Бораев Василий — 111,6 процент күцәсн бәәнә. Хөөдәсн ноос киргъдж авлгъна зурагъан давулдж күцәсн бригад болгън 1000—3000 арслнъ мөрә авцхав.

Ах үкрч үр Гучинов Улюмджин бригадт өөдлджәх үкрчнр ясчкән 270 бүрүсиг идгин сәәнәр идшлүлдж таргьлулад, 1306 центнер мах государствд орулдж өгв, әс гидж зурагъаси үлү 594 центнер мах орулдж өгсн бәәнә. Ах үкрч үр Штепин Эрдинн бригад 300 бүрүс асрдж өскәд, идгин сәәнәрнъ хәрүләд, цагланъ ус

лад йовсна ашд теднәс өдр болгън толгъа болгънасын дундлад 960 грамм невр өслт авб. Дакад тугълсн 100 үкр болгънас 103 тугъл авб.

Эн фермин механизатормуд малчнрас ард үлддг йовхми уга. Келхд, фермин тракторн бригад (бригадирнъ үр И. Г. Балыко) намрин тәрә тәрлгнә өөдлмшән сән цагла. агротехническ өөдм чинртәгъар кедж дуускад, зябь хагългъна боли малин үвлзнгүр өвс зөөлгнә көдлмшт орлцв. Ода малин үвлзнгүр 1400 тонн өвс зөөгъад скирдлчкв. Тер хураси өвсиг ах хөөчнрин боли ах үкрчнрин гарт даалгъдж өгв. Терүгән эзи кевәр хадгълдж, хәрдж йовна.

Механизатормуд үр А. Арашанов, Ю. Чадаев боли нань чигн механизатормуд «ДТ-54» тракторар зябь хагългъна өдрә кемжәнгъан 140—150 процент күргдг күцәнә. Тракторист Д. Шунгорцыков өдртән 6 тонн өвс зөбх кемжәтә бәәсн болхла, өдр болгън 9—10 тонн өвс малин үвлзнгүр зөөдг авч ирджәв. Эдү мет малин үвлзнгүр өвс зөөлгнә көдлмшт К. Бадаев, Н. Болдыров, Д. Аюшев боли нань чигн көдлмшчнр чидлән нөл уга көдлцхәв.

Фермин партгруппоргин гардврар амрлгъна өдр хөөчнр малчнр, механизатормуд, фермин специалистнр боли герин күүкд улс өвс зөөлгнә өөдлмш сәәнәр орлцхав. Эдн хойр өдрин

эргид 209 тонн өвс малин үвлзнгүр зөөдг хурав. Дакад амрлгъна өдр фермин көдлмшчнр 10 мингън шавр кирпич кедж бедв, тер кесн кирпичәр нег гараж боли хөд бәрх нег шин хаша тосхгддг дууслцв. Хойр өдрин эргид гаражин әрсинь тәвәд, дотр газа уга шалдад чиләв.

Одгә цагт хөөнә 11 хаша-хаац ясгдсн бәәнә. Тегәд 2-ч номертә фермин малд дулан үвлзлгъ теткән бәәнә. Ода нәәднр хөөдт искусствени көг тәвлгнә көдлмш му бишәр кегдджәнә. Келхд, гурви өдртән 300 нәәднр хөөдт искусствени көг тәвгдв.

Районд боли совхозд түрүн нүр элдж йовх 2-ч номертә ферм совхозин дамддж өггдг Улан туг байрта кевәр хадгълдж йовна. Дакад эн фермин тракторн бригад района Улан вымпел бас авсн бәәнә.

Фермин залгч үр Егоров, партгруппорг үр Багликов, профорг үр М. Боктаев фермин көдлмшчнр, хөөчнр, малчнр боли механизатормуд дунд цәәлгъврин боли политическ көдлмш сәәнәр делгрүлсн учрар, селәнә өдлахун көдлмш күцвртә болдж тарв.

Ода фермин коллектив эн джил чилтә әнүнәсн сән диилвр күцхин төлә социалистическ дөрлдә өргәр делгрүлдж йовна.

Б. НАРСАЕВ.